

Paul e Clau

La quarta fatga

Il carstgaun, lez sto emprendre,
Per saver bein sedefender.
Buca mo igl ABC
Schiglioc ti restas mo purtgè –
Buc mo vid la scartira
Ed il leger ins mesira.
Er il bien secuntener,
Gia da pign ins sto saver.
Gl'aug scolast quei schev'adina,
El cun sia demanonza fina.



Per quei vevan ils tahananis
Lur scolast aschi nuidis.

Paul e Clau han bein udiu
Sco'l scolast ha admoniu
Co in duess sedepurtar
E buca lumparias far!

Cupidav'en siu pulstrau,
Emblidond tut il vargau.
Quei san ins agl aug Zander
Ca scuir, a quei vegliander.

Tuts pudevan ei er cuir,
Mo als buobs fagev'ei pir
Co far ina cul tubac
Al scolast cun siu barlac.



La dumengi'el sanctuar
Stuev'el mintgamai sunar.

In la pipa liung'ha priu,
Ed a l'auter vi tunschiu.



Lez ha quella ferm stignau,
E cun puorla bein cargau.
Resunaus il "missa est",
Ein spari ils dus beinprest.



Gl'aug scolast la porta siara
E dad auter pauc empiara -.

Pren las notas en furtina,



Cunter casa el camina.



Spert la pipa el envida
Per guder la sera benedida.



E cuntents ei gl'aug sc'in piv,
Bein lugaus en siu igniv.



Tgei sgarscheivla pluntanada,
Tgei terribla canunada!
E la pegna, il tintè,
Gie perfin il bien caffè
Sgolan squetran sin tuts mauns,
Per las preits e per ils plauns.



Cur che tschessa la canera
Ed ad ault va la tschaghera
Ves'ins gl'aug scolast, bien Diu!
Sc'ina bara sil plantschiu.



Mauns e nas la fatscha era.
Vesan o sc'ina cotglera!
Per distinguer quei utschac,
Drov'ei ferm e bien tubac.
Tgi duess bein ils affons
Instruir sco tut ils onns?
Tgi va ussa a sunar
La dumengi'el sanctuar?
El co duess uss stalegiar
Dil tabac en fem midar?



Igl umet schi tribulau
Ha cul temps tut emblidau.

Quei fuss la quarta stau,
Numero tschun ei gia sin vau.